

EAST ASIAN LIBRARY
RM 8049 ROBARTS LIBRARY
UNIVERSITY OF TORONTO
TORONTO, CANADA M5S 1A5

漢魏六朝百三家集

梁

梁元帝

第六十八冊

68

永年集

梁元帝集

梁元帝集題詞

間讀梁元帝與武陵王書言兄肥弟
瘦讓棗推梨上林聞鳥宣室披圖友
于之情三復流涕漢明東海詞無以
加乃縱兵六門參夷流血同室之鬪
甚于寇讎外爲可憐之言內無急難

之痛狡人好語固難以嘗測也荆南
定蹕強虜叩城地非王氣自速其災
然召師覆國禍發岳陽帝好殺家人
卒殺之者家人也驪山之火君子緩
誅申戎而先咎幽王有以哉帝不好
聲色頗有高名獨爲詩賦婉麗多情

妾怨迴文君思出塞非好色者不能
言而徐娘角枕垂刺金樓內教之闕
不能謂當璧無過也釋典諸文雕鏤
匠意威鳳紺馬增其爛熳顧涅槃德
宗讓悟父兄道心三降其風薄矣詔
令書表咄咄火攻挾陳思之才攘子

桓之坐眇僧化身固一神物哉

婁東張溥題

梁元帝集目錄

賦

玄覽賦

言志賦

春賦

秋興賦

臨秋賦

對燭賦

採蓮賦

鴛鴦賦

蕩婦秋思賦

詔

卽位詔

蠲免力田詔

次建業詔

謚王儉詔

詔贈杜崩

詔封王僧辯

詔褒庾詵與劉之遴

令

答勸進羣下令

復答

又答王僧辯等

答南平王恪等令

解嚴令

課耕令

下四方令

卷之八
敕餘黨令

勅

勅報司徒王僧辯

別勅王僧辯

勅杜龕

教

召學生教

表

薦鮑幾表

請於州置學校表

薦顧協表

上忠臣傳表

遷荊州輸江州節表

啓

東宮薦石門侯啓

慶東耕啓

慶南郊啓

謝東宮賜白牙鏤管筆啓

謝勅送齊王瑞像還啓

上東宮古跡啓

謝上畫蒙勅褒賞啓

謝東宮賚陸探微畫啓

謝東宮賜彈碁局啓

謝敕賜第啓

爲妾夏玉安豐謝東宮賚錦啓

謝東宮賚辟邪子錦白褊等啓

謝東宮賚貂蟬啓

謝勅賜褥啓

謝東宮賚寶枕啓

謝東宮賚花釵啓

上穀克軍糧啓

謝東宮賚瓜啓

爲妾弘夜姝謝東宮賚合心花釵啓

謝晉安王賜馬啓

謝東宮賚蒸栗牛啓

謝賚車螯蛤蜊啓

謝東宮賚麈尾錦帔團扇等啓

謝賜功德淨饌一頭啓

又謝賚功德食一頭啓

書

與蕭詵議等書

答廣信侯書

答齊國雙馬書

又

與學生書

答晉安王叙南康簡王薨書

答劉綰求述制旨義書

與蕭挹書

與武陵王書

又

與魏書

與劉孝綽書

與劉智藏書

與武陵王書

又

與鮑泉

與劉璠

報顏之儀獻神州頌

遺周弘直書

與周弘正書

答王僧辯書

下荊州

遺王僧辯書

與王僧辯帛書

檄

討侯景檄

論

全德志論

鄭衆論

議

高祖武皇帝謚議

序

簡文帝法寶聯璧序

內典碑銘集林序

職貢圖序

忠臣傳序

忠臣傳死節篇序

孝德傳序

全德志序

丹陽尹傳序

懷舊志序

洞林序

廬山碑序

忠臣傳諫諍篇序

揚州梁安寺碑序

贈張纘詩

存序

贊

忠臣傳寄託篇贊

忠臣傳諫爭篇贊

忠臣傳執法篇贊

孝德傳皇王篇贊

孝德傳天性篇贊

職貢圖贊

銘

漏刻銘

東宮後堂仙室山銘

香爐銘

梁安寺刹下銘

碑

皇太子講學碑

鍾山飛流寺碑

曠野寺碑

郢川晉安寺碑

攝山栖霞寺碑

歸來寺碑

南岳衡山九貞館碑

青谿山館碑

隱居先生陶弘景碑

荊州長沙寺阿育王像碑

莊嚴寺僧旻法師碑

光宅寺大僧正法師碑

玄圃牛渚磯碑

善覺寺碑

荊州放生亭碑

墓誌

庾先生承先墓誌

特進蕭琛墓誌銘

中書令庾肩吾墓志銘

侍中新渝侯墓志銘

黃門侍郎劉孝綽墓志銘

散騎常侍裴子野墓志銘

太常卿陸倕墓志銘

侍中吳平光侯墓志銘

祭文

祭東耕文

釋奠祭孔子文

祭顏子文

騷

秋風搖落

樂府

長歌行

芳樹

巫山高

關山月

隴頭水

折楊柳

洛陽道

長安道

紫駟馬

驄馬驅

劉生

飛來雙白鶴

班婕妤

半路谿

採蓮曲

吳趨行

燕歌行

烏棲曲

其二

其三

其四

詩

登隄望水

赴荊州泊三江口

藩難未靜述懷

和劉尚書兼明堂齋宮

和劉尚書侍五明集

和鮑常侍龍川館

登顏園故閣

代舊姬有怨

夕出通波閣下觀妓

去丹陽尹尹荊州

又

示吏民

後臨荊州

別荊州吏民

宮殿名詩

縣名詩

姓名詩

將軍名詩

屋名詩

車名詩

船名詩

歌曲名詩

藥名詩

鐵穴名詩

龜兆名詩

獸名詩

鳥名詩

樹名詩

草名詩

相名詩

望江中月影

詠霧

春日篇

納涼

賦得涉江採芙蓉

賦得蘭澤多芳草

詠石榴

看摘薔薇

賦得竹

從軍行

一作王僧辯從軍

詠池中燭影

晚棲鳥

登江州百花亭懷荆楚

汎蕪湖

早發龍巢

夜宿栢齋

落日射熊

後園看騎馬

春日 一作和劉上黃

戲作艷詩

和林下詠姬應令 和昭明

閨怨

祀伍相廟

詠風

詠霧

賦得蒲生我池中

詠雲陽樓簷柳

五言詩

晚景遊後園

遊後園

古意

雜詠二首

秋夜

寒閨

和彈箏人

其二

出江陵縣還

其二

詠歌

贈到溉洽

遺武陵王詩

別荊州吏日

其二

細雨

望春詩

綠柳

詠梅

宜男草

細草

賦得春荻

詠螢火

離合

後園作迴文詩

賦登山馬

古意詠燭

春別應令六首

其二

其三

其四

其五

其六

送西歸內人

宴清言殿作栢梁體

幽逼詩四首

其二

其三

其四

附錄

本紀

元帝集目錄終

梁元帝集卷全

明 太倉張溥 閱

賦

立覽賦

歲次旃蒙、月建司空、變凌陰之呂、扇廣莫之風、
蕭子塞帷、九水作牧、三官乃盱衡而言曰、惟天
爲大、惟堯則之、惟地蓋厚、惟王國之、粵我皇之
握鏡、實乃神而乃聖、陳六聯於八則、弘九職於
三令、運璇樞而御宇、執玉衡而齊政、大矣廣矣、

無德而稱、俯、緬、齟、於、軒、義、諒、斗、筭、於、子、姒、包、河、
圖、與、洛、書、括、龍、官、乎、鳳、紀、超、大、德、於、百、王、高、鴻、
名、於、萬、祀、惟、天、縱、於、副、后、踰、啓、誦、而、惟、首、旣、倫、
儒、於、肅、成、復、斷、獄、於、長、壽、豈、止、丕、莊、屈、膝、將、令、
班、鄭、捧、箒、譬、衢、樽、而、待、酌、若、懸、鐘、之、須、扣、前、踰、
繫、象、之、外、聲、高、洙、泗、之、右、伊、俯、已、之、顓、愚、謬、聯、
萼、於、天、衢、筮、東、門、而、畫、野、創、南、國、而、分、墟、詔、伯、
宗、以、爲、儉、誥、內、史、而、策、書、用、分、茲、於、茅、社、從、侯、
服、而、俾、予、類、金、獸、以、封、建、非、桐、珪、以、錫、處、爾、其、

湘水之東。卽我龜蒙。魏甘露而分邑。吳太平而
定中。鎮麟山之崔嵬。傍龍跡其窮窿。金城高而
相屬。石燕起而依風。豈連鑣於分陝。羨追縱於
二公。彼琅臺之作守。有彭泗之嘉名。殊竝海之
分地。異魚石之所城。經沈子之高墉。蓋水運之
堤封。謝禮樂之干櫓。閱武騎之輶衝。軾錦車而
前驚。驅魚軒而繼蹤。無復鸞歌鳳舞。唯對綠柳
青松。留吳宮之宿鸞。響平陵之夜鐘。飛余轡而
西征。戍太真之舊營。鳴節鼓之金鐻。屯戎車於

石城戮滔天之封豕。斬橫海之長鯨。每輟書而
歎息。景樹德之風聲。從王役於鏡中。浮文鷁而
載鴻。經謝亭而帳飲。想彥伯之高風。度五城而
騁望。見三冀之無窮。故以飛雲蒼隼。白鱧青桐。
金吾舍利。鳴鶴紫宮。眺方嶽乎雲間。望赤坂之
朱殷。想真長之送別。懷思曠之還山。此檜楫而
方遠。彼松舟而未閑。倦旅泊於新邱。同渭水之
不流。或千人而竝唱。乍萬人之相鈞。毀橋由於
瑗度。鑿空資於仲謀。睇三茅之靈秘。懷九轉之

仙記。紫臺石室之文。青首銀函之字。獨有披霧之心。彌軫凌雲之志。捫殷碑之愴望。挹延州之高讓。井虜沸而蜚螭。勢崎嶇而低昂。見傳巴之度曲。開安歌之浩門。想觀樂乎朝陽。憶紆衣乎夕張。迴途舫之笑風。聳余棹乎雲陽。彼桑梓之必敬。况松榆之舊鄉。將遊目於五湖。乃浩覽於姑蘇。臨閭門之跨水。聳重闕而開都。睇太伯之卜祀。爰避國於勾吳。去西澣之樂政。尊東夷之楷模。時渡谷水之陽。尚想嘉禾之方。壯慶亭於

吳后。雄構李於越王。觀泉亭之涌波。崖巍巍而
峩峩。張素蓋而紫州嶼。馳白馬而越江沔。鼓洪
濤於萬里。曾未動於汨羅。及戾止乎東甌。登玉
筍。與銅牛。山東武而遙集。鴈南海而飛浮。巖亭
亭其似蓋。氣茗茗其若樓。登舜橋而延首。瞰禹
井而淹留。御史之狀猶在。督護之門不修。雖濫
同於借寇。愧人瘼之何求。皇覽揆余之忠誠。詔
入謁於承明。旣攝州於淮海。且作尹乎中京。慕
張生之謫伏。挹邊延之勵精。珥金貂而待問。鳴

玉佩而趨庭。兼三河及三輔。惣九緯乎九經。揚
王庭之俊選。聞褻然於前。則時濫假於中台。掌
邦教之觀國。乍南官而薦士。且右鄉而表德。判
辟雍之樂語。辨金馬之儒墨。驅安居以騁望。壯
天居之麗極。詳夫皇王爰處。本無定所。堯都平
陽。舜在冀方。立王居亳。成周卜洛。故知黃旗紫
蓋。域中爲天地之所合。風雨之所會。陰美氣之
葱蔥。浮卿雲之靄靄。聳梁山而成闕。縈長淮而
似帶。昔者甘泉暉章。平樂未央。凌霄飛雨。麒麟

鳳凰九華仁壽百福明光。玉階紫闥雕柱錦墻。
木蘭爲棟。文杏爲梁。溫臺冬燠。秋窗夏涼。甲乙
之帳。庚辛之方。未有祇園之右。齊之仁壽。用擬
舟航。長爲稱首。日殿月宮。金池珠叢。七重迢遞
千柱玲瓏。虹橋左跨。鴈苑南通。紫紺之堂臨水。
青蓮之臺帶風。及夫皦光未旭。更籌曙促。猶然
陽燧之火。尚執驪龍之燭。或帶桃花之綬。乍響
玄山之玉。爰八命而建旗。誠非親而勿居。應鳴
鞞於龍角。覆緹幕於熊車。開轅門於淮渚。泛舩

皇之容與。吟紫騮之長歌。奏玄雲之疊鼓。開右
座而納文。設左廣而投武。旣風起而雲飛。復摧
班而拉虎。泛樓船而鬱紆。憶霸楚之雄圖。悲騅
馬之不逝。忘逐鹿之長驅。豈烏江之天險。資赤
帝之神符。於是途經灌壘。水分當利。彼吾王之
連和。延魏后之交質。趙將軍之建節。辛侍中之
奉使。亮鼎足其何言。限修江而爲二。泊九井而
問津。蓋六服之都會。方函谷之設險。譬魯陽之
襟帶。觀棄繻之裂帛。見高車之輔軌。顧濡須之

故嘯。每當食而忘飯。鬪二虎於江干。爭兩龍於脩坂。旣凱捷而來旋。遂鳴鐃而獨返。彼銅山之可傷。何驕容之無方。已築長洲之苑。復實海陵之倉。遂稱兵而內侮。宜朝起而夕亡。原西陵以肇基。始衝梯於士治。載爲前茅之首。實表勤王之師。同蕙苾之興謗。成貝錦之深疑。良弓藏而高鳥盡。人不謙而出不辭。遊雷中而徜徉。遇日吉而辰良。祀公瑾以桂酒。薦忠肅以椒漿。賓討曹之英策。蓋謀桓之秘方。衣披披而屢舞。神欣

欣而樂康。弔劉安於下雉。聊載懷於惇史。或策杖而龍飛。或叱石而羊起。將雞鳴於天上。遂埋冤於蒿里。匪仙道之云僞。蓋爲仁其由已。經釣臺而高邁。過鄂渚而西浮。變青門之三襲。爲黃塵之一邱。城逶迤而中斷。階坂陁而半留。分沙羨而啓鎮。卽開蕃於夏州。星尚連於翼軫。含兼分於斗牛。麗滄浪之水清。良信笑乎濯纓。嗟其釣而非釣。復何慮而何營。羌有願而不獲。拂蘭橈而上征。冬已謝而春辭。聊方舟而水嬉。看白

沙而似雪。望却月而成眉。臨石渚其如鏡。玩弱柳其猶絲。停赤壁而延佇。聊愴望而方思。吳水鄉之舟楫。魏陸產之阜貍。本吳長而魏短。况地利與天時。結憤風而炎上。燎原火於驚颶。灰霧霏而擊馬。箭參差而麗龜。成班車之逸氣。碎當途於鹿麋。分洞庭於吳上。限東益於巴邱。如溜澗之相別。似涇渭之分流。雖滔滔而直瀉。終耿耿而橫浮。想蘭香之薦枕。懷娥皇之夜遊。若夫子瑜設險之記。閭逖遊湧之地。旣下車而踐境。

早詢求於方志。曉泊鬻拳之津。夕瞻荒谷之寺。
居柳下而布德。坐棠陰而高視。班六條於宰邑。
賢十部於從事。每題輿於仲舉。豈虛名乎叔治。
藉務隙於登臨。乃紛吾之本志。時復設羽蓋。揚
旌旆。乘雕玉。從貝帶。浮雲起。登高唐。泛枉渚。望
涔陽。荆棘生於龍門之下。狐兔穴於馬牧之旁。
臨章華而流盼。見舊楚之淒涼。試極目乎千里。
何春心之可傷。其舊渚宮也。夾江帶阡。布護井
田。通達交道。高門接連。人耍水心之劍。家有給

耕之田。旣追隨而得性。實燕處而超然。若平臺
之中。觀閣相通。雄梁渡水。壯翼臨空。金堤之路。
銅鞮之宮。閣寫陵霄。樓布麗譙。橫走馬而爲觀。
擬牽牛而作橋。爾乃樹之榛栗。椅桐梓漆。三色
黃甘。千戶朱橘。桃蔭井而成蹊。萍浮江而泛實。
蟬鳴枝而候稻。范飛冠而吐蜜。復有水底石髮。
山筋地骨。書帶新抽。屏風牙發。反魂長生。靈壽
女貞。金鹽玉豉。堯韭舜榮。交讓之目。代謝之名。
忘憂長樂。桃杞鼓箏。竹則簞管。綠箴。交戰策皮。

淚沾虞后。龍還葛陂。便娟防露。檀欒夾池。聊右
書而左琴。且繼踵於華陰。彼門人之問道。各家
求而有心。先鉛擿於魚魯。乃紛定於陶陰。識三
家之云謬。知五門之可尋。時仰稟於皇猷。計巴
濮於禪儵。乃稜威於華墨。出車檻之云脩。觀月
窟之入附。覩日勒之來遊。旣虎牙而成號。又龍
額而爲侯。仰皇德之洪深。疑朱離於侏任。見白
題之蹋鼓。看烏孫之學琴。獻桂條之良蕢。奉桃
枝之恠琛。嗤聚米於馬援。哂畫地於臧旻。彼蠢

爾之爲鯁。伊憑凌而未靜。異黃金於黑山。非綠
林於青嶺。余喟然以指蹤。實濟寬而持猛。負步
光之文劒。驚漢陽之夕景。麾靈瑤之左轉。光玳
簪而右簪。白雲生而陣合。紅塵起而軍暗。於是
驅驍驍。命蹶張。迴翠蓋之金瓜。臨絳宮之玉堂。
擬都護之戊己。模荆尸之甲裳。作齊軍之滅竈。
敦燕師之臥墻。觀田畋於虞澤。命車右而前驅。
猶從戎於細柳。若驅馬於長榆。矜猿鳴之抱木。
傷兎走之依株。每愀然而作色。方載馳而轉軾。

閱放麇而興憫。對亂鱗而動慨。矧高宴於城隅。
駐五馬而踟躕。乃有青琴碧玉。絳樹綠珠。西河
王豹。東野綿駒。蘭缸夕然。合璧斜天。照流風之
迴雪。映出水之初蓮。非吾心之所悅。曾未始而
流連。濫叨榮於分陝。踰一紀之星躔。子旣生而
冠字。嗟留滯以迴遄。罷臨邊之瑞節。觀楚黎之
臥轍。向秋野之蒼茫。對寒江之幽咽。散歸雲之
鬱鬱。吐長風之颼颼。聞羌笛之哀怨。聽胡笳之
淒切。慘余袂兮淚成行。攀余轅兮不忍別。奉信

珪而入朝。驅駟馬而乘輅。旣總司於戎旅。亦兼
飾於豐貂。登輦踞而目極。忽平原之已超。帶方
遠之九軌。接馳道之三條。彼重門之擊柝。馮霞
起以建標。雜丹樓以藻井。間青山於綺寮。耆落
星之從寵。覩燿火之迢遶。鬱如蓬萊之臨滄海。
憬如崑崙之出絳霄。函夏之所覲。江漢之所朝。
若夫天不愛道。地不愛寶。賓連紫達。華平朱草。
麒麟五色。飛兔雙翼。集我君圃之旁。遊我帝梧
之側。于斯時也。天子郊禘于員丘。高玉簡於東

漢邁金版於西周。奏蒼璧而服大裘。樂有雲翹之舞。牲非蠶栗之牛。設黃琮而禮地。望方澤乎神州。節會咸池之琯。晷無繁露之旒。觀三農乎九穀。薦黍稷之種。桂命甸師而清塵。詔封人而出宿。敬青壇而致虞。動翠耜而祈穀。時季春之上巳。臨祓禊乎沼沚。杏花發於露寒。棘實浮於濛汜。爰長久之御節。採日精於山趾。天策夜而動星。鈎陳朝而按軌。予是時也。陪玉軼。飾金羈。驅駉駉。躍翠羆。乘倜儻。控權奇。寶劒昭晰。綵鞞

陸離乍俯馬足時仰月支見靈鳥之占巽觀司
南之候離習執鞭而珥筆雖日夕而忘疲與重
明堂地景已乎正陽乃八牕而四達開上圓而
下方置陰鑒之明水設珪瓚而盈觴諱天官乎
冢宰服端委而辯方虔植物之蘊藻鄙將饗之
牛羊藉鴻私而置傳復推轂而懷方沂蛟川於
匯澤汾鵠塞於潯陽何蠡川之浩浩而匡岫之
蒼蒼其匡岫也盤紆峭崿嶻嶭嶻嶭鬱律峻極于天
千霄秀出岑嶽崎嶇鳥兔蔽虧崕岈豁闔背原

面野噴飛流於天末。鼓雷霆於巖下。聳高館於
雲中。聯藁祠於星社。雕甍綺閣。吁可畏其欲落。
雲霧杳冥。縈萬嶺而俱青。照曜山莊。岌堯石梁。
鴈門餘帳。隆安故床。鏡臨江而分影。鑪晦光而
共香。若乃羽族徘徊。察風應雷。鴛鴦感夢。乾鵲
知來。露華挾鷗而肅侶。銜環帶壘而合猜。孔接
影而颺颺。鷗交頸而陪鯢。爾其彭蠡際天。用長
百川。沸渭淪湓。湫澌連延。大則浩汗混漾。細則
澆灌潺湲。遇神颺之沸爽。彼所報之無憊。且搏

搖以九萬仞高颺而三千其中則有灩澦嘉魚
鸞羽龍鬚戴星含石蒲身雉軀乍浮圓鏡時泛
明珠報蕩子之長信送仙人之短書恥觀魚而
爲樂解舒鴈於高繳必冀孔愉之龜當如噲叅
之鶴愾衝冠而發憤嗟吾人之施薄觀進退於
我生每篤靖而居貞羞爲金谷之富不矯石閭
之清每鞠躬而遵節藉王道之旣平貴靜者人
所便予得之於自然非三百之不足惜五十於
豐年笑汗斜之行潦喜甘雨於石田飛新梅於

倡粉拂輕絮於房綿。月芝拙而曉落。燵花開而
夜燃。菊從風而金散。荷帶水而珠圓。已寤歌於
折柳。復行吟而採蓮。課七分與六日。推兩地於
參天。夕章程而鈎股。亦刺注而叅連。幼墳藉以
自娛。迄方今而不渝。雲氣芝英之簡。懸針倒薤
之書。緘乎蒸栗之帙。飾乎酸棗之珠。擬河獻之
留真。希涓儒之席珍。笑彭聃之下士。聊重義而
自欣。鑿戶牖而長望。混木鴈而兼陳。嗟今來而
古往。方絕筆於獲麟。

言志賦

天文旣表，人文可觀。知負屨之未易，信握鏡之
云難。差立極而補天，驗璧合而珠連。有庖羲之
八索，稱朱襄之五絃。聞夏王之鑄鼎，重農皇之
播田。雖車軌之未同，亶彌媿於棟隆。戮封豕於
海內，斬長狄於區中。懷宿昔之璵璠，竝來遊於
菟園。悲元瑜之已逝，歎靈光之獨存。想延賓之
北閣，因寘酒於南軒。聞鶯鳴而懷友，聽長笛其
何言。夙有尚於清靜，叨再入於鄢郢。東窺文命

之穴。南望鴻崖之井。遂撫運而登庸。謬垂旒而
卷領。雖有愧於前英。每求衣於未明。召司烜而
照夜。觀執珪而滿庭。誠雖休以勿休。實旨酒之
忘憂。絕何楊之妙舞。廢綿駒之善謳。彼知止與
知足。復何營而何欲。桂何用於黃金。案甯勞於
青玉。爾乃高步北園。用蕩囂煩。桂偃蹇而臨棟。
石窮隆而架門。對灌木之修聳。觀激水之飛奔。
澗不風而自響。天無雲而晝昏。聞賓鴻之夜飛。
想過沛而霑衣。况登樓而作賦。望淮海而思歸。

春賦

洛陽小苑之西。長安大道之東。苔染池而盡綠。桃含山而併紅。露霑枝而重葉。網縈花而曳風。

秋興賦

秋何興而不盡。興何秋而不傷。傷二情之本。背更同來而匪方。復有登山望別。臨水送歸。洞庭之葉初下。塞外之草前衰。攸征人與行子。必承臉而霑衣。紛吾閑居。有怡優游。多暇乃息。書幌之勞。以命北園之駕。爾乃從玩池曲。遷坐林間。

淹留而蔭丹岫。徘徊而奉木蘭。爲興未已。升彼
懸崖。臨風長想。馮高俯窺。蔡游魚之息澗。憐驚
禽之換枝。聽夜籤之響殿。聞懸魚之扣扉。將據
梧於芳杜。欲連留而不歸。

臨秋賦

火歇。今秋氣生。風起。今秋潦清。覽時興而自得。
聊飛轡而娛情。遵二條之廣路。背九仞之高城。
爾乃登長坂。息余驥。攬筆抒情。沈吟屬思。草色
雜而香同。樹影齊而花異。遙峰迢遞。紫沙斷絕。

雲出山而相似。水含天而難別。

對燭賦

月似金波初映空。雲如王葉半從風。恨九重兮
夕掩怨三秋。今不同。爾乃傳芳醪。揚清曲。長袖
留賓待華燭。燭燼落。燭華明。花抽珠。漸落珠。懸
花更生。風來香轉散。風度焰還輕。本知龍燭應
無偶。復訝魚燈有舊名。燭火燈光一雙炷。詎照
誰人兩處情。

採蓮賦

紫莖兮文波。紅蓮兮菱荷。綠房兮翠蓋。素實兮黃螺。於時妖童媛女。蕩舟心許。鷁首徐迴。兼傳羽杯。棹將移而藻挂。船欲動而萍開。爾其纖腰束素。遷延顧步。夏始春餘。葉嫩花初。恐沾裳而淺笑。畏傾船而歛裾。故以水濺蘭橈。蘆侵羅襪。菊澤未反。梧臺迥見。荷溫霑衫。菱長繞釧。泛柏舟而容與。歌採蓮於江渚。歌曰。碧玉小家女。來嫁汝南王。蓮花亂臉色。荷葉雜衣香。因持薦君。子。願襲芙蓉裳。

鴛鴦賦

青田之鶴、晝夜俱飛、日南之鴈、從來其歸、雙飛
今不息、自憐兮何極、一別兮經年、相去兮幾千
雄飛八立、兔雌去往、朱鴛豈如鴛鴦、相逐俱棲
俱宿、勝林鳥之同心、邁池魚之比目、朝浮兮浪
華、夜集兮江沙、萍隨流而傳、岨網因風而綴、花
見虹梁之春色、復相鳴而戢翼、蘭渚兮相依、同
盛兮同衰、魂上相思之樹、文生新市之機、金雞
玉鵲不成羣、紫鶴紅雉一生分、願學鴛鴦鳥、連

翩恒逐君

蕩婦秋思賦

蕩子之別十年。倡婦之居自憐。登樓一望。惟見
遠樹含烟。平原如此。不知道路幾千。天與水兮
相逼。山與雲兮共色。山則蒼蒼入漢。水則涓涓
不測。誰復堪見。鳥飛悲鳴。雙翼秋何月而不清。
月何秋而不明。况乃倡樓蕩婦。對此傷情。于時
露萎庭蕙。霜封階砌。坐視帶長。轉看腰細。重以
秋水文波。秋雲似羅。日黯黯而將暮。風騷騷而

渡河。妾怨迴文之錦。君思出塞之歌。相思相望。
路遠如何。髣髴飄蓬而漸亂。心懷愁而轉歎。愁容
翠眉歛。啼多紅粉漫。已矣哉。秋風起。今秋葉飛。
春花落。今春日暉。春日遲遲。猶可至。客子行行。
終不歸。

詔

卽位詔

夫樹之以君。司牧黔首。帝堯之心。豈貴黃屋。誠弗獲已。而臨蒞之。朕皇祖太祖文皇帝。積德岐梁。化行江漢。道應在田。具瞻斯屬。皇考高祖武皇帝。明竝日月。功格區宇。應天從民。惟睿作聖。太宗簡文皇帝。地侔啓誦。方符文景。羯寇憑凌。時難孔棘。朕大拯橫流。克復宗社。羣公卿士。百辟庶僚。咸以皇靈睠命。歸運斯及。天命不可以

久淹宸極。不可以久曠粵。若前載。憲章令範。畏天之威。冀隆寶曆。用集神器于予一人。昔虞夏商周。年無嘉號。漢魏晉宋。因循以久。朕雖云撥亂。且非創業。思得上繫宗祧。下惠億兆。可改太清元年。逋租宿責。並許弘貸。孝子義孫。可悉賜爵。長徒鑲土。特加原宥。禁錮奪勞。一皆曠蕩。

蠲免力田詔

食乃民天。農爲治本。垂之千載。貽諸百王。莫不敬授民時。躬耕帝藉。是以稼穡爲寶。周頌嘉其

樂章禾麥不成。魯史書其方。規秦人有農力之科。漢氏開屯田之利。頃歲屯否。多難薦臻。干戈不戢。我則未暇。廣田之令。無聞于郡國。載師之職。有陋于官方。今元惡殄殲。海內方一。其大庇黔首。庶拯橫流。一廛曠務。勞心日仄。一夫廢業。烏鹵無遺。國富刑清。家給民足。其力田之身。在所蠲免。外旣宜勒。稱朕意焉。

次建業詔

夫爰始居。毫不廢先王之都。受命于周。無改舊。

邦之頌。頃戎旃旣息。關柝無警。去魯興嘆。有感宵分。過沛殞涕。實勞夕寐。仍以瀟湘作亂。庸蜀阻兵。命將授律。指期克定。今八表乂清。四郊無壘。宜從青蓋之典。言歸白水之鄉。江湖委輸。方船連舳。巴峽舟艦。精甲百萬。先次建業。行實京師。然後六軍遙征。九旂揚旆。拜謁塋陵。脩復宗社。主者詳依舊典。以時宣力。

謚王僉詔

賢而不伐曰恭。謚恭子。

詔贈杜崩

崩京兆舊姓元凱苗裔家傳學業世載忠貞自
驅傳江渚政號廉能推轂浚源寔聞清靜奄致
殞喪惻愴于懷可贈車騎將軍加鼓吹一部諡
曰武

詔封王僧辯

贊俊遂賢稱于秦典自上安下聞之漢制所以
仰協台曜俯佐弘圖使持節侍中司徒尚書令
都督揚南徐東揚三州諸軍事鎮衛將軍揚州

刺史永甯郡開國公僧辯器宇凝深風格詳遠
行爲士則言表身文學貫九流武該七略頃歲
征討自西徂東師不疲勞民無怨讟王業艱難
實兼夷險宜其燮此中台膺茲上將寄之經野
匡我朝猷加太尉車騎大將軍餘悉如故

詔褒庾詵與劉之遴

荆南信多君子。雖矣歸田鳳。清屬桓階。賞德標
奇。未過此子。

令

答勸進羣下令

大寶二年太宗崩王僧辯
累表勸卽尊位世祖答讓

孤以不德天降之災枕戈飲膽扣心泣血風樹
之酷萬始不追霜露之哀百憂總萃甫聞伯升
之禍彌切仲謀之悲若封豕旣殲長蛇卽戮方
欲追延陵之逸軌繼子臧之高讓豈資秋亭之
壇安事繁陽之石侯景項藉也蕭棟殷辛也赤
泉未賞劉邦尚曰漢王白旗弗懸周發猶稱太

子飛龍之位。孰謂可躋。附鳳之徒。旣聞來議。羣公卿士。其諭孤之志。無忽。

復答

省示復具一二。孤聞天生蒸民。而樹之以君。所以對揚天休。司牧黔首。攝提合離。以前栗陸。驪連之外。書契不傳。無得稱也。自阪泉彰其武功。丹陵表其文德。有人民焉。有社稷焉。或歌謠所歸。或惟天所相。孤遭家多難。大恥未雪。國賊則蚩尤弗剪。同姓則有扈不賓。臥而思之。坐以待

且何以應寶曆。何以嗣龍圖。庶一戎旣定。罪人斯得。祀夏配天。方申來議也。

又答王僧辯等

大寶三年二月王僧辯衆軍發自尋陽。世祖馳檄告四方。及僧辯等平侯景。傳其首於江陵。又奉表勸卽尊位。世祖答之。

省表復具一二羣公卿士億兆夷人咸以皇天眷命歸運所屬用集寶位于予一人文叔金吾之官事均往願孟德征西之位且符前說今淮海長鯨雖云授首襄陽短狐未全革面太平王

燭。爾乃議之。

答南平王恪等令

數鍾陽九。時惟百六。鯨鯢未翦。寤寐痛心。周魯
天官。秦稱相國。東至于海。西至于河。南次朱鳶。
北漸玄塞。率茲小宰。弘斯大德。將何用繼。蹤曲
阜。擬跡桓文。終建一匡。肅其五拜。雖義屬隨時。
事無虛紀。傳稱皆讓。象著鳴謙。瞻言前典。再懷
哽噎。

解嚴令

軍容不入國。國容不入車。雖子產獻捷。戎服從事。亞夫弗拜義。止將兵。今凶醜殲夷。逆徒殄潰。九有旣截。四海乂安。漢官威儀。方陳盛禮。衛多君子。寄是式瞻。便可解嚴。以時宣勒。

課耕令

軍國多虞。戎旃未靜。青領雖熾。黔首宜安。時惟星鳥。表年祥于東秩。春紀宿龍。歌歲取于南畝。况三農務業。尚看天桃敷水。四人有令。猶及落杏飛花。化俗移風。常在所急。勸耕且戰。彌須自

許。豈直燕垂寒谷。積黍自溫。甯可墮此玄苗。坐
餐紅粒。不植鵲鴿空。候蟬鳴。可悉深耕。溉種安
堵。復業無棄民力。竝分地利。班勒州郡。咸使遵
承。

下四方令

大壯承乾。明夷垂翼。璿度亟移。玉律屢徙。四岳
頻遣。勸進九棘。比者表聞譙沛未復。瑩陵永遠。
于居于處。寤寐疚懷。何心何顏。撫茲歸運。自今
表奏。所由竝斷。若有啓疏。可寫此令施行。

赦餘黨令

君子赦過。著在周經。聖人解網。聞之湯令。自獫狁孔熾。長蛇薦食。赤縣貼危。黔黎塗炭。終宵不寐。志在雪恥。元惡稽誅。本屬侯景。王偉。是其心膂。周石珍。負背恩義。今竝烹諸鼎鑊。肆之市朝。但比屯邠。冠擾爲歲。已積衣冠。舊貴。被逼偷生。猛士勲豪。和光苟免。凡諸惡侶。諒非一族。今特闡以王澤。削以刑書。自太清六年五月三十日昧爽以前。咸使惟新。

梁元帝集

卷全

三

勅

勅報司徒王僧辯

僧辯先下辟書引孔奐為左西曹掾際
丹陽左丞元帝於荊州即位徵奐及沈
炯僧辯累表請
留帝手勅報之

孔沈二士今且借公

別勅王僧辯

承聖三年十月西魏相宇文黑泰遣兵
及岳陽王衆合五萬將襲江陵世祖遣
主書李膺徵僧辯於建康為
大都督荊州刺史別勅僧辯

黑泰背盟忽便舉斧國家猛將多在下流荆陝

之衆悉非勁勇。公宜率貔虎。星夜就路。倍道兼行。赴倒懸也。

勅杜龕

顏晃字元明。瑯琊臨沂人。承聖初爲中書侍郎。龕爲吳興太守。專好勇力。其所部多輕險少年。世祖患之。乃使晃管其書翰。仍勅龕。

卿年時尚少。習讀未晚。顏晃文學之士。使相毗佐。造次之間。必宜諮稟。

教

召學生教

閣下昔楚王好詩。沛王傳易。猶且傳之不朽。以爲盛事。况吾親承天旨。聞禮聞詩。方欲化行南國。被于西楚。

表

薦鮑幾表

臣聞思皇多士。反陋所以明敷。疇咨熙載。髦俊
所以竝作。斯固殷殿初基。拾龍淵之寶。虞祠始
構。獻鳳管之玉。旌蒲出魯。賁帛歸齊。頌聲旣興。
盛業斯在。伏惟陛下。則天緯地。乘正馭水。沙汰
八風。澄明六合。叶龜登夢之客。日賁於邱園。韋
轂投釣之臣。相望於魏闕。故以物無遺寶矣。振
鷺有克庭之謳。白駒罕空谷之詠。洋洋濟濟。無

得而稱者焉。臣誠愧知才識職非選舉竊以進
賢上賞蔽賢顯戮敢緣斯義用舉所知伏見鮑
幾門庭雍睦立身貞退博涉文史頗閑刀筆忠
公抗直出宰廉平雅志弘深安貧專靜解巾入
仕三十餘年自遊臣府一紀于茲前宰東邑實
有二魯之風近處南臺欲尊兩鮑之則伏揆天
嚴已當簡在脫蒙顯居良局登以清貫將齊毛
玠古人之服實同吳隱酌水之廉昔丁隈牧州
陳顧翟之好禮徐靖爲郡薦袁渙之篤學桓範

驅傳先舉管甯朱則剖符亦稱董直臣才非往
哲識愧前脩輕塵聽覽伏待斧鉞

請於州置學校表

臣聞公宮之南四術四教司樂成均六詩六律
韶濩既舞羽籥之道行焉黨塾茲備離經之志
辯焉故不升嵩霍豈識乾行之峻不臨溟渤安
知地載之厚洎乎秦焚金篆周亡玉鏡羣言爭
亂諸子相騰書則夏侯歐陽易則神輪道訓詩
乃齊魯毛韓傳稱周左張夾禮有曲臺王史之

異樂有龍德趙定之殊。伏惟陛下撫五辰而建
五長。播九德而道九州。容成爲厯。興景雲之瑞。
伶倫吹律。應黃鍾之琯。撥亂反正。經武也。制禮
作樂。緯文也。若非六經庖厨。百家異饌。三墳爲
瑚璉五典。爲笙簧。豈能暴以秋暘。紆就望之景。
濯以江漢。播垂天之澤。

薦顧協表

臣聞貢玉之士。歸之潤山。輸珠之人。出於枯岸。
是以芻蕘之言。擇於廊廟者也。臣府兼記室。參

軍吳郡顧協行稱閭里學兼文義服膺道素雅
量遂遠安貧專靜奉公抗直傍闕知己志不自
營年方六十家無妻子臣欲言於官人申其屈
滯協必苦執貞退立志難奪可謂東南之遺寶
矣。伏惟陛下未明求衣思賢如渴爰發明詔各
舉所知識非許郭雖無知人之鑒若守固無言。
懼貽蔽賢之咎。昔孔愉表韓伯之才庾亮薦翟
湯之德。臣雖未齒二臣協實無慙兩士。

上忠臣傳表

資父事君。寔曰嚴敬。求忠出孝。義兼臣子。是以
冬溫夏清。盡事君之節。進思將笑。懷出奉之義。
羲軒改物。殷周受命。三能十亂。九棘五臣。靡不
夙夜在公。忠爲令德。若使縉雲得姓之子。姬昌
魯衛之臣。是知理合君親。孝忠一體。性與率由。
因心致極。臣連華霄漢。憑暉日月。三握再吐。夙
奉紫庭之慈。春詩秋禮。早蒙丹宸之訓。宣帝褒
德。麟閣畫充國之形。顯宗念功。雲臺圖仲華之
像。



遷荊州輸江州節表

周有掌節之職。漢有符節之令。所以子孫慷慨。
忠肅勤劬。無絕終古。有高前載。臣自擁麾鶴塞。
執茲龍節。幸逮銀山。自溢玉燭。調年。雖免茂弘。
之譏。竟微辛毗之勇。

蘇元帝集

卷全

三



蘇元帝集卷全
三

啓

東宮薦石門侯啓

竊以鳳鳴朝陽。必資藍田之寶。龍門點額。亦俟
堂溪之珍。是以紫玉見稱。黃金爲貴。文傳夢鳥。
學重靈蛇。點漆凝脂。事逾衛玠。渾金璞玉。才匹
山濤。昔翟陽隱逸。見稱庾亮。陳平器局。被薦無
知。以人廢言。誠增竦聳。進賢上賞。伏待慈照。

慶東耕啓

伏惟陛下。敬授民時。造幄藉圃。漢之元鳳。未足

捧羈晉之太始。非堪扶輶。但承明侍從。卽事末由。周南留滯。伏深戀仰。

慶南郊啓

大裘而冕。陶匏以質。黃鍾旣奏。雲門斯舞。樂諧六變。歌陳九德。感天動神。式展誠敬。

謝東宮賜白牙鏤管筆啓

春坊漆管。曲降深恩。北宮象牙。猥蒙霑逮。雕鐫精巧。似遼東之仙物。圖寫奇麗。笑蜀郡之儒生。故知稽賦非工。王銘未善。昔伯喈致贈。纔屬友

人葛龔所。止聞通識。豈若遠降鴻慈。曲覃庸
陋。方覺瑠璃無當。隋珠過侈。但有羨上商。無因
則削。徒懷曾植。恒願執鞭。

謝勅送齊王瑞像還啓

臣聞非晦非明。法身凝寂。有感有見。渴仰赴幾。
伏惟陛下。百姓爲心。宜觀種覺。十方皆見。普照
王畿。將使化行南國。乃眷西顧。江水安流。大川
利涉。鮮雲黶黷。暫掩晨離。甘雨霏微。猶藏宿霧。
高明可仰。與天花而俱落。清梵騰空。雜塤篪以

相韻頂禮最勝敬謁法王。瞻彼堵墻。不足爲喻。
立處針鋒。弗云易擬。臣身持淨戒。心抃法流。接
足道周。膜拜路左。得未曾有。喜躍充遍。

上東宮古跡啓

師宜八分之巧。元常三體之妙。史籀李斯之篆。
梁鴻曹喜之書。莫不總萃桂宮。盈滿甲館。竊以
鸞驚之勢。旣聞之於索靖。鷹跖之巧。又顯之於
蔡邕。是以遊霧重雲。傳敬禮之法。鳥鴈魚頰。表
楊泉之賦。頗好六文。多慙三禮。尚方大篆。旣其

牢落。柱下方書。何曾彷彿。空慕河間之聚書。竟
微東平之獻表。齊攸尺牘。顧已缺然。北海楷隸
終成難擬。

謝上畫蒙勅褒賞啓

臣簿領餘暇。竊愛丹青。雲臺之像。終微髣髴。宣
室之圖。更難擬議。成蠅罕術。畫馬疎文。人非世
將。恩深晉帝之賞。跡愧景山。寵踰魏皇之詔。

謝東宮賚陸探微畫啓

工踰畫馬。巧邁圖龍。試映玉池。卽看魚動。還傍。

金屏復疑蠅。集史遷暫覩。懸識留侯之貌。漢帝
一瞻。便見王嬙之像。

謝東宮賜彈碁局啓

繹本慙遊藝。彌愧拂巾。鳳時鷹揚。信難議擬。鳥
跂星懸。曾何髣髴。蓮花未易。玉屑不工。緣邊之
法。庶遵細柳之陣。徘徊之勢。方希明月之樓。子
桓有錫。聞於邃古。季緒蒙賜。卽事可傳。

謝敕賜第啓

竊以漢賜五倫。寔云清吏。魏寵衛臻。用旌庸直。

未如靈光輪奐。睢陽爽塏。北連城闕。有似甄侯
之舍。東望市鄆。榮深豫章之圃。昔狼望未平。冠
軍辭宅。馬池猶隔。雍丘讓邸。臣慙霍曹。遠志但
識君命。無違再思。庸陋九殞。非答。

爲妾夏王安豐謝東宮賚錦啓

舒將並石。堪來暮雨。榮持結纜。刺可蕩舟。秦川
書字。妙能八體。鄴縣登高。真堪九日。宋姬贈馬
未足爲榮。馮媛乘車。方茲非寵。

謝東宮賚辟邪子錦白襴等啓

江波可濯。豈藉成都之水。登高爲豔。取映鳳凰
之文。至如鮮潔齊紈。聲高趙縠。色方藍浦。光譬
靈山。試以照花。含銀燭之狀。將持比月。亂含璧
之暉。

謝東宮賚貂蟬啓

挹婁之毳。曲降鴻恩。麗水之珍。復蒙殊獎。東平
紫貂之賜。非聞暖額。中山黃金之錫。豈曰附蟬。
坐。變。仲。尼。之。容。增。暉。允。南。之。貌。

謝勅賜褥啓

昔漢后錫貂。魏君送褥。未有玄兔來王。黃龍作貢。便覺肅春。非遙挹婁無遠。

謝東宮賚寶枕啓

泰山之藥。旣使延齡。長生之枕。能令益壽。黃金可化。豈直劉向之書。陽燧含火。方得葛洪之說。况復重安玳瑁。獨勝瑰材。方松非匹。稱榴未擬。謝東宮賚花釵啓

茵亂九衢。花含四照。田文之珥。慙於寶葉。王粲之詠。慙此乘蓮。九官之璫。豈直黃香之賦。三珠。

之。釵。敢。高。崔。瑗。之。說。况。以。麗。玉。澄。暉。遠。過。玳。瑁。
之。飾。精。金。曜。首。高。踐。翡。翠。之。名。

上穀充軍糧啟

臣聞金城千仞。必資守粟。革車千乘。其在饋實。
願武車綏旌。列飛鴻之行陳。奉辭受賑。揜摯獸。
於。驅。虎。賈。遠。渠。水。雖。曰。難。蹤。梁。習。勸。農。竊。知。自。
勉。

謝東宮賚瓜啟

金榮始薦。瓊藥載珍。味奪蔗漿。甘踰石蜜。

爲妾弘夜姝。謝東宮賚合心花釵啓。
未得投壺先應含笑。不因鸞鳳自能歌舞。夜姝
昔往陽臺。雖逢四照。曾遊灃浦。慣識九衢。未
仍伐爵釵。還勝翠羽。飾以南金。裝茲麗玉。修靡
夫人本分。章華之裏。中山孺子。獨荷春宮之恩。
有志當熊。無期投閣。

謝晉安王賜馬啓

繹武媿仲都。遂蒙大驪之錫。儒謝春卿。空頒名
馬之賚。故以取方。驂友自匹。龍媒不待。景公。婉

如齊畫。無勞馬援。翻等漢銅。豈有滅沒黑龍。連
翩白馬。錢文見重。津名取貴。相彼騏驎。猶深戀
主。矧伊伏櫪。彌結懷恩。

謝東宮賚蒸栗牛啓

色似秘府之書。毛類陳王之玉。駢角未奇。瑩蹄
非貴。

謝賚車螯蛤蜊啓

車螯味高。食部名陳。物志蛤蜊。聲重前論。見珍
茹土竝東海。波臣西王母。藥雀文始化。羽燕猶

在體潤珠胎。形隨月減。

謝東宮賚麈尾錦帔團扇等啓

楊雄口訥。本貴談端。田蚡貌寢。終於麗飾。始興之扇。方斯非擬。鄴中之錦。匹此爲輕。方願弘此仁風。旣動承華之氣。服茲懷袖。復比文若之香。

謝賜功德淨饌一頭啓

瑤器自滿。金鼎流味。漿含都蔗。味資石蜜。

又謝賚功德食一頭啓

天厨淨饌。菴羅法果。

夫得聖人而後能

其術矣此蓋天之

聖賢所創也故

國運民聚皆一

乎風武建永

人天也夫

經年日臨本

其

附

書

與蕭諮議等書

蓋聞圓光七尺、上映真珠之雲、面門五色、傍臨
珊瑚之地、化爲金案、奪麗水之珍、變同珂雪、高
玄霜之彩、豈不有機則感、感而遂通、有神則智、
智而必斷、故碧玉之樓、升堂未易、紫紺之殿、人
室爲難、必須五根之信、以信爲首、六度之檀、以
檀爲上、故能捨財從信、去有卽空、率斯而談、良
可知矣、竊以瑞像放光、倏將旬日、蹈舞之深、形

於寤寐。抃躍之誠。結於興寢。稍覺十字之蒸。嗤
何曾之饌。五鼎之味。笑主偃之辭。黿羹麟脯。空
聞其說。羊酪猩脣。曷足云也。困于酒食。未若過
中。不餐螺蚶。登俎豈及春蔬。爲淨欲吾于三日
潔齋。自寅至戌。一中而已。自有米如玉。銳鹽類
虎形。雲夢之芹。遼東之藻。十斤之梨。千樹之橘。
青筍紫薑。固栗霜棗。適口充腸。無索弗獲。八功
德水。竝入法流。四士俱至。偕讓弘道同志爲友。
豈不盛歟。

荅廣信侯書

王白仰承比往開善聽講涅槃縱賞山、中、游、心、
人、外、青、松、白、霧、處、處、可、悅、奇、峰、怪、石、極、目、忘、歸、
加、以、法、水、晨、流、天、華、夜、落、往、而、忘、返、有、會、昔、言、
王、率、物、從、務、無、由、獨、往、仰、此、高、蹤、寸、心、如、結、

荅齊國雙馬書

名重桂條。形圖柳谷。襄陽地穴。近求未易。瀕池
水裏。遠訪猶難。價匹龍媒。聲齊驥子。河精曜采。
似。伏波之鑄銅。震象飛文。笑東瀛之刻玉。加以

控斯銀勒。利此金銜。鞍揭鏤衢。光含兩月。纏紫縷。色麗雙絲。方嗤晉后。恒乘鄭國之駟。更鄙曹君。經餉蜀王之馬。

又答齊國雙馬書

於戲馬之爲用。遠矣大矣。斯所以乾爲脊馬。震爲鼻足。有是哉。有是哉。何則。泮渙而馳。可以及日。躊躇而蹠。可以追風。赤兔之騰聲。的盧之濟主。陳王有炤羈之說。班生有韁絆之談。抑聞斯美。遠勞此費。懷哉懷哉。老生不云乎。雖有拱璧。

以先駟馬。良用此道。中心藏之。何日忘之。

與學生書

吾聞斲玉爲器。喻乎知道。惟山出泉。譬乎從學。是以執射執御。雖聖猶然。爲弓爲箕。不無以矣。抑又聞曰。漢人流麥。晉人聚螢。安有挾冊讀書。不覺風雨以至。朗月章奏。不知爝火爲微。所以然者。良有以夫。可久可大。莫過乎學。求之於已。道在則尊。

答晉安王叙南康簡王薨書

南康兄器宇冲貴。風神英挺。魏之中山。徒聞退讓。昔之扶風。雖號師範。用今方昔。若吞雲夢。及尋陽私疾。孝感神明。殆不勝喪。扶而後起。猶冀天道可期。豈謂福善虛說。且分違易久。嘉會難逢。綢繆宮闈。不過統綺之事。離羣作鎮。動迴星紀之厯。志異雙鸞之集。遽切四鳥之悲。松茂栢悅。夙昔歡朴。芝焚蕙歎。今用嗚咽。

答劉綰求述制旨義書

學山學海。未臻其極。爲龍爲光。或從王事。所賴

昔經陝服。頗足良書。憑几據梧。靜供遊目。枕中之記。卽用爲枕帷前之帙。仍可爲帷。對此自娛。敬而待命。叩而必應。已謝懸鏡。汲而無竭。復乖井養。

與蕭挹書

濶別清顏。忽焉已久。未復音信。勞望情深。暑氣方隆。恒保清善。握蘭雲閣。解紱龍樓。允膺妙選。良爲幸甚。想同僚多士。方駕連曹。雅步南宮。容與自玩。士衡已後。唯在茲日。唯昆與季。文藻相

暉。二陸三張。豈獨擅美。比暇日無事。時復含毫。
頗有賦詩。別當相簡。但衡巫峻極。漢水悠長。何
時把袂。共披心腹。

與武陵王書

蜀中斗絕。易動難安。第可鎮之。我自當滅賊。

又

地。擬。孫。劉。各。安。境。界。情。深。魯。衛。書。信。恒。通。

與魏書

武陵王紀帥兵東下。梁主繹甚懼。與魏
書。宇文泰曰。取蜀制梁。生此一舉。遣討

遲廻自散關
伐蜀下之

子糾親也。請君討之。

與劉孝綽書

孝綽爲廷尉正、攜妾入府、被劾免官、時
世祖爲湘東王、出鎮荊州、與孝綽書、孝
綽答之、

君屏居多暇。差得肆意典墳。吟詠情性。比復希
數古人。不以委約。而能不技癢。且虞卿史遷。由
斯而作。想摛屬之興。益當不少。洛地紙貴。京師
名動。彼此一時。何其盛也。近在道務閒。微得點

翰雖無紀行之作。頗有懷舊之篇。至此已來。衆
諸屑役小生之詆。恐取辱於廬江。遮道之姦。慮
興謀於從事。方且褰帷自厲。求瘼不休。筆墨之
功。曾何暇豫。至於心乎愛矣。未嘗有歇。思樂惠
音。清風靡聞。譬夫夢想溫玉。飢渴明珠。雖愧十
隨。猶爲好事。新有所製。想能示之。勿等清慮。徒
虛其請。無由賞悉。遣此代懷。數路計行。遲還芳
札。

菩薩蕭法車置郵大士劉智藏侍者。自林宗過
反。立度言歸。以結元禮之心。彌益真長之歎。故
以臨風望美。對月懷賢。有勞寤寐。無忘興寢。方
今立冥在節。歲聿云邁。日似青緹。雲浮紅藥。清
臺炭重。北宮井溢。想禪說爲娛。稍符九次。成誦
之功。轉探三密。山間芳杜。自有松竹之娛。巖穴
鳴琴。非無薜蘿之致。脩德之暇。差足樂也。昔韓
梅兩福。求羊二仲。鄭林騰名於馮翊。周黨傳芳
於太原。或有百鎰可捐。千金非貴。松子爲餐。蒲

根是服。未有高蹈真儒。歸宗法海。梵王四鶴集。
林。籟而相鳴。帝釋千馬。經邱園而跼步。有一於
此。猶或稱奇。兼而總之。何其盛也。故知南臨之
水。已類呂梁之川。北眺之山。彌同武安之嶺。豈
復還思。激浦尚想。彊臺。睠彼漢池。載懷荒谷。以
此相求。心可知矣。僕久厭塵邦。本懷人外。加以
服膺常住。諷味了因。彌用思齊。每增求友。常欲
登却月之嶺。蔭偃蓋之松。挹璇玉之源。解蓮華
之劍。藩維有限。脫屣無由。每坐向詡之牀。恒思

管甯之榻。夢匡山而太息。想桓亭而延佇。白雲
間之。蒼江不極。未因抵掌。我勞如何。想無金玉
數在。郵示弱水難航。猶致書於青鳥。流川弗遠。
佇芳音於赤玉。鶴望還信。以代萱蘇。得志忘言。
此甯多述。法車叩頭叩頭。

與武陵王書

皇帝敬問假黃鉞太尉武陵王。自九黎侵軼。三
苗寇擾。天常喪亂。獯醜憑陵。虔劉象魏。黍離王
室。朕枕戈東下。泣血西浮。殞愛子於二方。無諸

侯之八。百身被屬甲。手貫流矢。俄而風樹之酷。
萬恨始纏。霜露之悲。百憂繼集。扣心飲膽。志不
圖全。直以宗社綴旒。鯨鯢未剪。嘗膽待旦。龔行
天討。獨運四聰。坐揮八柄。雖復結壇待將。塞帷
納士。拒赤壁之兵。無謀於魯肅。燒烏巢之米。不
訪於荀攸。才智將殫。金貝殆竭。傍無寸助。險阻
備嘗。遂得斬長狄於駒門。挫蚩尤於楓木。怨恥
旣雪。天下無塵。經營四方。專資一力。方與岳牧
同茲清靜。隆暑炎赫。弟比如何。文武具僚。當有

勞弊今遣散騎常侍光州刺史鄭安忠指宣往懷、

又與武陵王書

甚苦大智季月煩暑流金鑠石聚蚊成雷封狐
千里以茲玉體辛苦行陣乃眷西顧我勞如何
自獯醜憑陵羯胡叛渙吾年爲一日之長屬有
平亂之功膺此樂推事歸當璧儻遣使乎良所
遲也如曰不然於此投筆友于兄弟分形其氣
兄肥弟瘦無復相見之期讓棗推梨永罷歡愉

梁元帝集卷之八
之。日。上。林。靜。拱。聞。四。鳥。之。哀。鳴。宜。室。披。圖。嗟。萬。
始。之。長。逝。心。乎。愛。矣。書。不。盡。言。

與鮑泉

面如冠玉。還疑木偶。鬚似蝟毛。徒勞繞喙。

與劉璠

鄧。禹。文。學。尚。或。執。戈。葛。洪。書。生。且。云。破。賊。前。脩。
無。遠。屬。望。良。深。

報顏之儀獻神洲頌

校乘二葉。俱得游梁。應貞兩世。竝稱文學。我求

才子顛慰良深

遺周弘直書

適有都信賢兄博士平安。但京師縉紳無不附
逆王克已爲家臣。陸緬身充卒伍。唯有周生確
乎不拔。言及西軍。潺湲掩淚。恒思吾至。如望歲
焉。松栢後凋。一人而已。

與周弘正書

獯醜逆亂。寒暑亟離。海內相識。零落略盡。韓非
之智不免秦獄。劉歆之學。猶弊亡新。音塵不嗣。

每以耿灼。常欲訪山東而尋子雲。間西關而求伯起。遇有今信。方附相聞。遲比來啣。慰其延伫。

答王僧辯書

昔文康獻橘。十有二子。用今方古。彼有慙色。今景之兇惡。旣稔。凱歌之聲已及。嘉瑞遠臻。但增鰓慰。

下荊州

處士河東韓懷明。南平韓望。南郡庾承先。河東郭麻。竝脫落風塵。高蹈其事。兩韓之孝友純深。

庾郭之形骸枯槁。或橡飯菁羹。惟日不足。或葭
墻艾席。樂在其中。昔伯武貞堅。就仕河內。史雲
孤邵。屈志陳留。豈曰塲苗。實惟攻玉。可加引辟
并遣喻意。旣同魏侯致禮之請。庶無辟疆三緘
之歎。

遺王僧辯書

僧辯等討侯景。軍至巴陵。聞郢州
陷。因留戍之。湘東王繹遺僧辯書

賊旣乘勝。必將西下。不勞遠擊。但守巴邱。以逸
待勞。無慮不克。

與王僧辯帛書

西魏兵伐江陵，于謹令築長圍，中外信命，始絕。元帝裂帛爲書，趣王僧辯入援。吾忍死待公，可以至矣。

檄

討侯景檄

夫剝極生災。乃及龍戰師貞。終吉方制。殄豕豈
不以侵陽蕩薄源之者。亂階定龕艱難成之者。
忠義故羿澆滅于前。莽卓誅于後。是故使桓文
之勲復興于周代。溫陶之績彌盛于金行。粵若
梁興五十餘載。平一寓內。德惠悠長。仁育蒼生。
義征不服。左伊右瀍。咸皆仰化。濁涇清渭。靡不
向風。建翠鳳之旗。則六龍驤首。擊靈鼉之鼓。則

百神警肅、風牧方邵之賢、衛霍辛趙之將、羽林
黃頭之士、獸賁緹騎之夫、叱咤則風雲興起、鼓
動則嵩華倒拔、自桐栢以北、孤竹以南、碣石之
前、流沙之後、延頸舉踵、交臂屈膝、胡人不敢牧
馬、秦士不敢彎弓、協和萬邦、平章百姓、十堯九
舜、曷足云也、賊臣侯景、匈奴叛臣、鳴鏑餘嘯、懸
瓠空城、本非國寶、壽春畿要、賞不踰月、開海陵
之倉、賑常平之米、檄九府之費、錫三官之錢、冒
于貨賄、不知紀極、敢興逆亂、梗我王畿、賊臣正

德阻兵安忍。日者結怨江羊。遠適單于。簡牘屢彰。彭生之覓未弭。聚歛無度。景卿之誚已及。爲獸傳翼。遠相招致。虔劉我生民。離散我兄弟。我。是以董率臯貍。躬擐甲冑。霜戈照日。則晨離奪暉。龍騎蔽野。則平原掩色。信與江水同流。氣與寒風俱憤。兇醜畏威。委命下吏。乞活淮肥。苟存徐兗。渙汗旣行。絲綸爰被。我是以班師凱歸。休牛息馬。賊猶不悛。遂復矢流王屋。兵躔象魏。總章之觀。非復聽訟之堂。甘泉之宮。永乖避暑之

地坐召憲司臥制朝宰。矯託天命。僞作符書。重
增賦歛。肆意哀剝。生者逃竄。死者暴尸。道路以
目。庶僚鉗口。刑戮失衷。爵賞由心。老弱波流。士
女塗炭。臧獲之人。五宗及賞。縉紳之士。三族見
誅。穀粟騰踴。自相吞噬。懔懔黔首。路有銜索之
哀。蠢蠢黎民。家有隕山之泣。偃師南望。無復儲
胥。露寒河陽。北臨或有窮廬。瓊帳南山之竹。未
足言其愆。西山之兔。不足書其罪。外監陳瑩之
至。伏承先帝登遐。官車晏駕。奉諱驚號。五內摧

裂州寃本毒，無地容身。景阻飢旣甚，民且狼顧。
遂侵軼我彭蠡，憑凌我郢邑。竊據我江夏，掩襲
我巴邱。我是以義勇爭先，忠貞盡力。斬馘兇渠，
不可稱筭。沙同赤岸，水若絳河。任約泥首于安
南，化仁面縛于漢口。子仙乞活于鄢郢，希榮敗
績於柴桑。侯景奔竄，十鼠爭穴。郭默清夷，晉熙
附義。計窮力屈，反殺後主。畢原豐郇，竝離禍患。
凡蔣邢茅，皆伏鉄鑕。是可忍也，孰不可容。幕府
據有上流，實惟分陝。投袂荷戈，志在畢命。昔周

依○晉○鄭○漢○有○虛○牟○。彼○惟○末○屬○。猶○能○如○此○。况○聯○華○。日○月○天○下○。不○賤○爲○臣○。爲○子○兼○國○兼○家○者○哉○。咸○以○義○旗○既○建○。宜○須○總○一○其○推○。幕○府○實○用○主○盟○。粵○以○不○佞○。謬○董○連○率○。遠○惟○國○艱○。不○遑○甯○處○。中○權○後○勁○。龔○行○天○罰○。提○戈○蒙○險○。隕○越○以○之○。天○馬○千○羣○。長○戟○百○萬○。驅○賁○獲○之○士○。資○智○勇○之○力○。大○楚○踰○荆○山○。淺○源○度○彭○蠡○。舳○艫○汎○水○。以○犄○其○南○。輜○輶○委○輸○。以○衝○其○北○。華○夷○百○濮○。羸○糧○影○從○。雷○震○風○駭○。直○指○建○業○。按○劍○而○叱○。江○水○爲○之○。倒○流○。抽○戈○而○揮○。皎○日○爲○之○。

退舍方駕長驅百道俱入夷山殄谷充原蔽默
挾輶曳牛之侶拔距磔石之夫騎則逐日追風
弓則吟猿落雁捧崑崙而壓卵傾渤海而灌熒
如駟馬之載鴻毛若奔牛之觸魯縞以此衆戰
誰能禦之脫復蜂蠆若毒獸窮則鬪謂山蓋高
則四郊多壘謂地蓋遠則三千弗違如彼怒蛙
譬諸鼪鼠豈費萬鈞無勞百溢加以口臨黃道
兵起絳宮三門旣啓五將咸發舉整整之旗掃
亭亭之氣故以臨機密運非賊所解奉義而誅

何罪不服、今遣使持節大都督征東將軍開府
儀同三司江州刺史尚書令長甯縣開國侯王
僧辯率衆十萬直掃金陵、鳴鼓聒天、撻金振地、
朱旗夕建、如赤城之霞起、戈船夜動、若滄海之
奔流、計其同惡、不盈一族、君子在野、小人比周、
荷校滅耳、匪朝伊夕、春長狄之喉、繫郅支之頸、
今司寇明罰、鑕鈇所誅、止侯景而已、黎元何辜、
一無所問、諸君或世樹忠貞、身荷寵爵、羽儀鼎
族、書勲王府、俛眉猾豎、無由自效、豈不下慙、泉

壤上愧皇天失忠與義難以日立想誠南風迺
睠西顧因變立功轉禍爲福有能縛侯景及送
首者封萬戶開國公絹布五萬匹有能率勒義
衆以應官軍保全城邑不爲賊用上賞方伯下
賞剖符並裂山河以紆青紫昔由余入秦禮同
卿佐日碑降漢且珥金貂必有其才何卹無位
若執迷不反拒逆王師大軍一臨荆茲罔赦孟
諸焚燎芝艾俱盡宣房河決玉石同沈信賞之
科有如皎日黜陟之制事均白水檄布遠近咸

使知聞

功自隆聖之歸也國之小也

而無德也其角也宜德也其主

其德也其德也其德也其德也

其德也其德也其德也其德也

其德也其德也其德也其德也

其德也其德也其德也其德也

其德也其德也其德也其德也

其德也其德也其德也其德也



論

全德志論

物我俱忘。無貶廊廟之器。動寂同遣。何累經綸之才。雖坐三槐。不妨家有三徑。但接五侯。不妨門垂五柳。使良園廣宅。面水帶山。饒甘果而足花卉。葆筠篁而玩魚鳥。九月肅霜。時饗田畯。三春捧繭。乍酬蠶妾。酌升酒而歌南山。烹羔豚而擊西缶。或出或處。竝以全身爲貴。優之游之。咸以忘懷自逸。若此衆君子。可謂得之矣。

鄭衆論

漢世銜命匈奴。困而不辱者。二人而已。子卿手持漢節。臥伏冰霜。仲師固無下拜。隔絕水火。况復風生。稽落。日隱龍堆。翰海飛沙。皐蘭走雪。豈不酸鼻痛心。憶雒陽之宮陛。屑泣橫悲。想長安之城闕。直以爲臣之道。義不爲生。事君之節。生爲義盡。豈望拔幽泉。出重仞。經長樂。抵未央。及還望塞亭。來依候火。傍觀上郡。側眺雲中。雖在已之願。自隆而於時之報。未盡。

議


高祖武皇帝謚議

臣聞翼善傳聖曰堯，仁聖盛明曰舜，受禪成功曰禹，除虐去殘曰湯。謚者行之跡，號者功之表。雖賤不誅貴，卑不誅尊。而彰乎名者，盛德之嘉號也。被於物者，治定之實錄也。斯所以聲明煥乎鍾石，昭晰備於絃管者焉。伏惟天縱欽明，惟睿作聖，功超三五，聲踰七十。仰之彌高，就之彌遠。載潛載躍，乃武乃文。先是木運告終，羣后改

屬。乾維罔構。地紐如崩。祧紀阡危。公卿盱食。九
牧有淪胥之悲。八表興橫流之歎。乃凝威黑水。
表瑞丹陵。雲合景從。表裏禔福。受終文祖。允恭
克讓。知黔首不可以無歸。蒼生不可以無主。降
汾陽之遠志。不得已而臨之。於是類帝禋宗。革
命創制。禘郊式展。殷薦斯潔。臨茲大寶。化與和
氣俱宣。扇此王風。政與秋霜並肅。言懸日月。功
格區宇。不以紫宸爲貴。不以黃屋爲尊。政謚刑
措。民殷國阜。虹旌式卷。堊燧載清。胥豕相因。環

枯無曠。天衢亨泰。王道升平。南海候風。東溟奉
貢。膏露凝枝。慶雲觸石。山開蒼壁。地出玄珪。驃
騎把鉞。則休屠款塞。太尉抗旌。則名王蹙角。聲
教所漸。浹靈蛇之都。威令所行。通燭龍之外。開
庠建序。布濩於成均。正俗移風。氛氲於司樂。虛
納十亂。引諒直之規。廣闢四門。弘招賢之德。青
衿知擊壤之性。黃髮恣鼓腹之歡。加以鑽味微
言。研精至道。文終所牧之典。史倚所讀之書。無
輟萬機。日且千遍。馳郁郁之聲。表乾乾之德。允

所謂皇哉。日用而不知者矣。方且告成岱嶽。鏤
升平之玉簡。昭事梁甫。秘禮首之金繩。而文王
明夷事。佯往冊黃帝。橋山痛深。前典萬有。淪傷
三辰掩曜。人祇軫慕。山海含悲。慟切陟方。哀深
遏蜜。煩冤荼毒。貫切心髓。風樹不靜。陟岵何期。
思所以欽若九功。仰稽七德。



33

81